

ՄԻՔԱՏԵԼ Վ. ՀՈՎՀԱՆՆԵՍՅԱՆ, Հայկական Կիլիկիոյ բերդերն աւ քերականագրութեամբ:
Վենետիկ—Ս. Ղազար, 1989, 629 էջ, լուս., քարտեզ:

Վերջին 15 տարիների ընթացքում արտասահմանում հայ և օտար մասնագետները բազմիցս անդրադարձել են Կիլիկիայի հայկական պետության պատմությանն ու հատկապես ճարտարապետությանը: Դեռևս 1970 թ. լույս տեսավ հայր Միքայել Հովհաննեսյանի «Հայաստանի բերդերը» սովորածավալ գիրքը, որի ներածության մեջ նա խոստացել էր առանձին հատորով անդրադառնալ Կիլիկիայի բերդերին: Եվ ահա, գրեթե 20 տարի անց, իրականանում է միսթիսյան հոր խոստումը: Մեր անդանին է 630 էջանոց մի նկարազարդ ուսումնասիրություն, որի ատաղձը Կիլիկիային նվիրված աշխատություններն են (Վ. Լանգուայի գրքերը, Ղ. Ալիշանի «Սիսուան» աշխատությունը, Հ. Ոսկյանի, Հ. Տեր-Ղազարյանի, Գր. Գալուստյանի և մի շարք այլ հայերեն ու օտարալեզու աշխատություններ): Լուսանկարների մասին խոսելիս, որոշ հատուկ շուք և նշանակություն են տալիս գրքին, հեղինակը չի մոռանում շնորհակալական խոսք ուղղել նրանց, ովքեր սիրով տրամադրել են իրեն հազվագյուտ և մեծ մասամբ առաջին անգամ հրատարակվող լուսապատկերները: Երախտի խոսք կա նաև բոլոր նրանց, ովքեր ալլեայլ ձևերով օժանդակել են գրքի լույս աշխարհ գալուն: Ուսումնասիրության մեկ այլ կարևոր առանձնահատկությունն այն է, որ վերջում տրված է կարևորագույն բերդերի ֆրանսերեն համարոշ շարադրանքը: Սա, ինչպես հեղինակն է ասում, օտար ընթերցողներին մեր պատմամշակութային հուշարձանների պատմությանը ծանոթացնելու և պրոպագանդելու լավագույն միջոցներից է:

Գրքի առաջին բաժինը («Ներածություն») համակողմանի պատկերացում է տալիս Կիլիկիայի աշխարհագրական դիրքի ու տարածության մասին: Հեղինակը բավական հանգամանալից անդրադառնում է նաև Կիլիկիայի պատմությանը, Հայտին է, որ Կիլիկիան ժամանակին մտել է Տիգրան Մեծի աշխարհագրական տիրույթի մեջ, և այդ ժամանակից հայերը սփռվել են հոռմենացիների, բյուզանդացիների, արարների տիրապետության տակ: Իսկ երբ խաչակիրները, գալով Արևելք, մտնում են Կիլիկիա, հայերի դիրքը ավելի է ամրապնդվում, և նրանք ապրում են համախմբված որևէ իշխանի կամ կալվածատիրոջ պատկանող բերդի ու գյուղի շուրջ:

Հայերի միջր Կիլիկիայում սկսեց ավելի աճել Բագրատունյաց թագավորության անկումից հետո, XI դարում: Որպես արդյունք Բյուզանդիայի նենգ քաղաքականության, հայ աշխարհականության տարբեր տոհմեր գաղթեցին Կիլիկիա ու նրա մերձակայքը, որտեղ, միանալով արդեն տեղում գտնվողների հետ, ավելի ամրացան ու դարձան տեղանքի իշխողները: Մ. Հովհաննեսյանը մանրամասն ներկայացնում է հայ իշխանական տների պատմությունը, թե ինչպես իշխանությունը դարձավ թագավորություն, թե ինչպես Ռուրիկյաններից դարձան անցյալի հայերի ու ապա Լուսինյաններին, որոնց օրով էլ Կիլիկիան հայկական թագավորություն էր: Այնպես, և անցավ Եգիպտոսի մամլուքներին: Չի խոսվում, սակայն, հայ լուսապետության անկումից հետո Կիլիկիայում դեռևս մի քանի դար ապրող հայերի, նրանց ճակատագրի և եղբրական տեղահանության մասին:

Հովհաննեսյանը Կիլիկիան և մերձակա Միջագետքի տարածքը բաժանում է վեց աշխարհագրական շրջանների և համապատասխանաբար այդ շրջաններով է անվանում տեղի բերդեր ու մեծ բազմաթիվ բերդերն ու գյուղակները:

Պետք է ասել, որ բուն հայկական բերդերը, որպես կանոն, գտնվում են անմատչելի լեռնաշին Կիլիկիայում, որտեղ ժայռերի ծերպերին ու անհասանելի բարձունքներին, բերդերի հատակագծերը հարմարեցնելով ու ներդաշնակելով բնական ձևերին ու պայմաններին, կառուցվել են հարյուրավոր ամրոցներ, իշխանական գյուղակներ, դրանց ենթակա հովանավորալ վանքեր ու մենաստաններ և հաճախ հանդիպող պարսպապատ ավաններ ու բնակավայրեր (Միս բերդաքաղաքը, Լեդն Մեծագործի Լեռնկա գյուղակը և այլն):

Հարթավայրային շրջաններում, որտեղ բացակայում է բնական անմատչելիությունը, բերդերը ամրացվում էին հաճախ մինչև անգամ եռաշերտ պարիսպներով (Յնազարաթի գեպքը), կամ քրախանդակներով (Սևլեկիա բերդը): Մովսիսը հատվածում նույնպես բնական պայման-

ները մեծ դեր էին խաղում. շինարարական մի փոքր միջամտություն, այսինքն՝ պարսպների րարծրացում, ջրախանդակների անցկացում, և բերդը դառնում էր անառիկ, Հաճախ բերդերն ունեցել են իրենց հսկիչ փոքրիկ ծովային երկրորդ բերդերը՝ կառուցված մոտակա կղզյակների վրա (ինչպես՝ Հայտնի Կոթիկոսում և Ալասում), որոնք գրեթե միշտ արհեստական խութերի միջոցով կապ են ունեցել բուն ցամաքային բերդի հետ։ Լեռնանցքների վրա կանգնեցված բերդերի ստրատեգիական նշանակությունը շատ մեծ է Լղել (ինչպես Բաղրասինը)։ Սրանք եղել են հսկիչներ և անընդհատ ձեռքից ձեռք են անցել՝ կրելով բոլոր ժամանակների ու իշխանությունների ազդեցությունները։

Շատ բերդերում [Վահկա, Լամբրոն, Ցըլանլըկալե (Օձաբերդ), Թումու բերդ և այլն] մասնադեպերը իրենց ուսումնասիրություններից և թույլատրված սահմաններում կատարած պեղումներից հետո հայտնաբերել են այն նույն սկզբունքները, շինարարական տեխնիկան ու հատակագծային լուծումները, որոնցով կառուցվել են բուն հայաստանյան բերդերը։ Այս բերդերն իրենց ոճով մինչև անդամ աղբյուրներ ունեն ուրարտական բերդաշինության հետ, մի բան, որը մի անդամ ևս հավաստում էր ակունքներին հարազատ մնալու միտումը։

Ինչ վերաբերում է անվանումներին, պետք է ասել, որ Միքայել Հովհաննեսյանը աշխատել է հնարավորին չափ տալ բերդերի հայկական անվանումները, խուսափել է օգտագործել թուրքական այսօրվա անվանափոխումները, որը համատարած երևույթ է Թուրքիայի տարածքի հայկական տեղանունների համար։

Մխիթարյան հոր հրատարակած այս կոթողային գիրքը, որը խնայողների ու որոշ ճշգրտումների կարիք ունի, տքնալան աշխատանքի արդյունք է, շատ կարևոր մի ուսումնասիրություն հայկական և հատկապես Կիլիկիայի ամրոցաշինության ընդհանուրում։

Ա. Ժ. ՀԱԼԱՋՅԱՆ,